

Yeshua un Israelita; E Realidat di Dios!!!

Awor aki den 2021 e Realidat ta ku tur Alma ku **no** ke Rekonosé, Admití, ku E Aliansa Nobo ta skirbi den **Yeremías 31:31-34**, ta keda buska den nan **Religion**, sin por jega na e Libertat di Dios, pasobra Yeshua a bisa: 'Si abo keda Fiel na Mi Palabranan, abo lo ta Mi Disipel di Bèrdat. Abo lo Konosé e Bèrdat i e Bèrdat lo hasi abo Liber.' Yeshua un Israelita; E Realidat di Dios!!!

Yeshua un Israelita; E Realidat di Dios!!!

Den un siman tin seis dia di trabou; e di shete dia ta Sabat, e dia di Sosiegu Kompleto ku boso ta Reuní na Mi Honor. Boso **no** mag hasi ningun sorto di trabou e dia ei; e Sabat mester ta un dia Dediká na Mi, unda ku boso por ta Biba. (**Levítiko 23:3**).

Ata un Lei permanente pa boso: Riba di dies dia di e di shete luna boso mester Yuna i laga tur kos di hasi para. Esaki ta konta tantu pa e Israelitanan komo pa e Strañeronan ku ta biba meimei di boso. Pasobra riba e dia ei ta Drecha tur kos atrobe entre boso i Dios, pa boso bolbe bira Puru, i e ora ei boso lo ta Purifiká di tur boso pikánan dilanti di SEÑOR. Boso mester hasi e dia ei un dia di Sosiegu kompleto i di Yuna. E Lei akí ta konta pa semper. (**Levítiko 16:29-31**).

Den futuro e Saserdote ku mester Drecha tur kos Atrobe entre boso i Dios pa boso bira Puru Atrobe, lo ta Esun ku nan a Konsagrá i Ordená pa sigui Su Tata komo Gransaserdote. (**Levítiko 16:32**).

Yeshua un Israelita; E Realidat di Dios!!!

Awor aki den 2021 abo por ta puntra abo mes kiko ta E Realidat di Dios Su Lei permanente of E Aliansa Nobo?

Den hinter E Torah, ku ta e prome 5 bukinan di e Beibel, Dios ta Prepará; ta Trahando riba un kos pa Salba Su Pueblo. E Realidat di Dios ta ku Dios no sa gaña (**Numbernan 23:19**), esaki ta nifiká ku un Lei permanente ta algu pa semper, esta Eterno. For di den kuminsamentu Dios a Instituí, Instalá, Stipulá, Establesé un Fiesta ku tin di haber ku Drechamentu di e Relashon entre Dios i Su Pueblo, ku ta e Hebreonan.

E Fiesta di Drecha tur kos Atrobe entre abo i Dios ta un di e 8 Fiestanan menshoná den **Levítiko 23**. E Hebreonan ta papia di e Fiesta di Tròmpet pa hende por tin Speransa riba un Bida Eterno. Dios, ku no ta gaña, a Primintí e Bida Eterno ei promé ku kuminsamentu di tempu. (**Tito 1:2**).

Dios den Su Amabilidad a sòru pa e Hebreonan tin un Gransaserdote ku por sòru pa ami i abo bira Puru Atrobe. Ta Esun Konsagrá i Ordená pa sigi e Boluntat di Dios Tata; Yeshua un Israelita; E Amabilidad di Dios!!!

26 sèptèmber 2021

Sea Bendishoná ku e Amor di Dios Tata; Yeshua Mesias
Un Fiel Sirbidó di Dios,
Remsly L Riley.